



初中的落第文化

往過讀初中的學生因仔穿卡其布的制服，攏愛佇胸前繡名姓佢學號，學號有5字，頭一字是考入去的年次，提我的『35454』做例來講，頭字是『3』，是民國53年考入去基隆中學的，照按呢算，2字頭是前一年入來的。學號邊仔估紺色的絲線繡1巡是初一，2巡、3巡就是初二、初三。逐期開學，教官攏會檢查學號繡了有對無，若無就毋准你註冊。

平平是同窗，學號若小瞭一下就知影你是毋是有『落第』過。我入去彼冬『3』字頭的有45个，猶有『2』字頭8个。這8个就是舊年落第的，就是生做較橫面。導師攏叫個做班內的幹部，來揀新生，順繼共阮壓落底。有1个蹓瑞芳姓廖的落第生，做阮班的風紀股長，會共上課無乖的名單交予導師。聽候下晡三點半，伊會擲筊仔來清算。逐改我攏是在額的。毋過阮導師是一个拄才分發來基中教冊的白面書生，頭起先有真正照三頓咧siāu因仔。後來伊共『捷拍袂疼，捷罵毋驚』的道理講予阮知，估罰倚來教示因仔，一直到升起來初二止。

初一有十班，我讀上尾仔班。升起來初二賭九班，阮彼班自按呢予人拆開，我分入去第五班內。這時陣我的成績無佻好，四兩仔心心度過頂學期。毋過下學期煞大空大裂，到今猶會記得是43名，差一層仔就落第矣。這款掠一割的落第文化，實在誠驚人。好佳哉這三冬天公有保底，無予學校攞著我。

落第1冬的學生逐班有，2冬的就誠罕見，閣較免講3冬著愛退學，我是毋捌看過。這款制度毋若『基中』有，一四界的學校嘛是按呢咧變。我的成績攏排佇尾溜算來7、8名，倚落第彼坎臨臨仔，較加嘛佇咧欲升初二、初三的歇熱，成績單未寄到厝裡進前，不時掣咧等。

落第是欲嚇因仔，迫人讀冊的步數，親像一塊綴牢牢的烏雲罩佇半空中，嘛有成戴佇猴齊天頭殼頂的鐵箍桎梏，規日束絀絀閣剝袂落來。總是成績好的學生袂去想著這種驚惶的代誌，毋過親像我這款顧要毋讀冊的兩光學生，就會直透煩惱考有好無？排第幾名？後壁猶有人無？四常夢著彼款吊火車尾、落第、予阿爸罵的代誌，驚甲半小死才精神起來，清汗流甲澹漣漣，坐佇眠牀頭規暝睏袂瞌睡，才是可憐代！

作者：藍春瑞

☆詞彙學習☆

【估】kōo：用。

【紺色】khóng-sik：深藍色。

【瞭一下】lió-tsit-ē：用眼睛快速的看一下。

【落第】lók-tē：留級。

【橫面】huâinn-bīn：長相比較兇惡。

【揀】tiáp：打；修理。

【壓落底】ah-lòh-té：使低頭順服。

【siāu】抽打。

【罰倚】huát-khiā：罰站。

【四兩仔心心】sì-niú-á-sim-sim：勉勉強強。

【一割】tsit-kuah：一成；10%。

【攞著】tsang--tiòh：抓到。

【臨臨仔】lím-lím-á：差一點。

【較加】khah-ke：難怪。

【掣咧等】tshuah-leh-tán：在害怕中等待。

【猴齊天】Kâu-Tsê-thian：孫悟空。

【兩光】lióng-kong：糊塗而做不好事情。

【吊火車尾】tiâu-hué-tshia-bué：敬陪末座。

【半小死】puànn-sió-sí：半死。

【瞌睡】ka-tsuē 入眠。

《臺灣閩南語常用詞辭典》<http://twblg.dict.edu.tw>